









至博為漢所伯創義在序

古者先王之

其賦稅是故

非是故多成

賦賦曰賦

賦先王之言

王言至博

至矣而賦

非命世之才不

至師不教之



高

世

世

世

世

世

世

世

世



笠澤為虞勝伯創義塾序

古者先王之於民也有養焉有教焉邑居而非受薄  
其賦稅是故無甚富甚貧之民家塾而黨序申其孝  
弟是故多成德達才之士降及後世兼并之力勝而  
賦歛日繁學校之實墮而異端並起士有被服仁義  
誦先王之言者居無卓錫之地而浮屠氏之宮擬於  
王者金碧窮於土木而士不飽粗糲噫為今之士亦  
難矣尚欲空言以排之哉上之人循習其弊之久苟  
非命世之才不足與有為也獨怪夫下之人愛其子  
延師而教之或較錙銖於朝夕而不吝夫千金之施

於浮屠以徼福夫士以仁義忠信之言訓其人使入  
以事其父兄出以事其長上以保其身以光榮其祖  
宗其為福莫大於此彼浮屠氏者寧有是彰；其著  
明也哉而昧者作罪於旦；求福於冥；而卒不獲  
其報何其性習之相遠而迷惑陷溺之深也往時閩  
人詹景仁氏買田築室延京兆杜伯原父為之師以  
訓其子弟其詹之子弟被伯原之教族日顯以大賢  
者之有益於人如是斯所謂雖然足音曠百世而一  
遇者也自時厥後蓋已寂寥而無聞矣在升平時尚  
然况喪亂之際乎予留中吳識故宋丞相虞雍公八



世孫曰戡字勝伯於元故侍講學士公為從子學博而文行修而篤雖於今為庶尚論故家文獻其流風餘韻有足徵焉其為人饜：有志節不交譽於當世奉其母避地笠澤之上以其所有淑諸其人庶幾世濟其美者予誠私心愛之間二年予亦以親故從事於斗升之祿有茗城之後而勝伯足跡不一至城府竟不知所造詣為何如也今年春予謝病得請方外交鄧君青陽自笠澤來問疾青陽隱者也能知賢故予首詢勝伯則言其學日加富而家日益貧至無所於居且將有它適予愀然曰笠澤唐陸魯望嘉遯之

所也魯望遠矣其族有曰德原號靜遠者嘗為甫里  
書院以居學者今去靜遠之時未久也以予勝伯之  
賢而其子孫無有能從之游者則陸之家其不已替  
乎得不有聞陸之風而興起者乎青陽又曰有施縉  
彥甥者陸甥也賢而勇於義慕勝伯之為人欲為義  
塾以居勝伯使鄉之子弟皆有所矜式以力之不足  
思與鄉之同志者共圖之而未有因也予復喜曰世  
復有斯人乎勝伯之於出處去就其審之已久其塾  
之成與當舉不足為勝伯喜竊獨喜夫彥紳之賢而  
能知所本也今夫一塾之費視浮屠氏之施特萬分

之一而其效乃能福於其鄉豈不為世道勸哉孔子  
曰見義不為無勇也傳曰有志者事竟成吾知笠澤  
之子弟又將服勝伯之教亦日顯以大使閩之唐氏  
不獨專美於前矣然唐氏以有餘之資延伯原為易  
施氏以不足之力奉勝伯為難然能假衆力以成之  
則若反有易於唐氏者吾猶恐夫勝伯之不久淹於  
此也為我謝勝伯曰笠澤之人厚於子無有它適以  
孤其父兄子弟之心明先王之道以道之使化行於  
其鄉吾於子有望矣輒書其言附青陽歸以屬於施  
而速圖之以明君子成人之美之意其有樂於義者

著於篇至正二十年冬十月會稽姜漸序

興義塾以淑後學斯文風化之幸也有力者優為之人以為難施君奮義而欲為之其難可知已在承平時為之人以為難矧搶攘之際而欲為之其難又可知己非諸賢扶翼相助斯役何以克底於成哉蓋不獨以喜於勝伯虞君而實有閔於斯文風化也吳客趙郡蘓大年伯昌齡父書

縉自早歲侍師彭城錢先生之獲交于先生之友蜀虞勝伯先生於今十有餘年適以世故艱棘勝伯乃挈家于笠澤相與居處相交之久益見其學行之高

明守處之端確故凡子弟樂從游而多被化者誠有  
道之士也縉竊愈加敬之念欲買地築室以居勝伯  
鄉里子弟得有以受教而卒成其業奈艱于力之不  
逮故因循而未能也今年幸逢時康歲豐之秋而勝  
伯又將有它適意噫吾志果不足為乎昔者管幼安  
適遼而遼人化今吾鄉固非遼也而先王之道仁義  
忠信之言有不可一朝夕而不之講者向之子弟何  
飽暖而多不知教其弊反有甚於遼之初者蓋夫雖  
知學之始而不克遂於其終耳今勝伯一來而從游  
者衆是知學之為要殆將有望於成而勝伯迺猶有

難於處而將去之又半途而廢之是重可惜也故縉  
於是願留勝伯為義塾以居之使鄉里子弟終賴勝  
伯之教以敦厚其化庶幾為將來美 竊念縉力之  
不足不能獨成焉蓋深有望于鄉之諸賢相與共為  
之則斯舉之成不難矣然非縉之私也寔吾鄉之盛  
事也敢書此以請至正二十年冬十月吳興施縉書

送虞伯勝序

故宋太師虞雍公以雄姿偉畧佐宋中興出入將相  
垂二十年其經國大業之著於章疏忠貞氣節之形

於奏對太史氏所錄蓋班：烏有志之士聞其風者  
猶足興起而况觀其全書者乎其書舊刻蜀中已而  
燬於兵四世孫通判寶慶府君將復刻之湖南弗果  
五世孫參政當國初猶篤意於此會故人眉州史孝  
祥守興化聞黃伯固家實有之求之不能得至六世  
孫學士遭逢盛際復以文章致位通顯其侍書奎章  
閣時嘗屬閩校官謝中物色之中至閩適閩武官有  
購得之者將資以見學士未幾學士歸田里尋捐館  
舍自是書存亡無復以為意者已與予友者曰勘字  
勝伯於公為八世孫一介布衣困窮無聊自勝伯以

上居吳：子弟與勝伯儕輩者往：厭弃筆研不屑  
事父兄書自負以班仲升者無慮以十六七否則亦  
竊自緣飾為公孫子不成其弊猶足以舞文巧詆與  
鄉里少年爭長雄勝伯之計顧不出此獨折節以紹  
隆家學經紀遺書而已間聞松江俞子中為吳理官  
時得其書於魯人賈景莊氏將規往求之斯行也天  
其或者未喪斯文乎吾聞之君子之澤五世而斬勝  
伯去公八世矣斯文也猶將賴勝伯以弗墜韓愈氏  
有言莫為之後雖盛而不傳勝伯所謂善為人後者  
非耶於其行吳之能言者咸賦詩以相之屬予序之



至正十七年冬十月乙未臨海陳基序

送虞勝伯之松江求先雍公遺文

川谷云：逝水波雍公勛業未消磨况當異代求文字尚有聞孫校件訛京國不聞收汗馬草萊終見沒銅駝誰陳聖主賢臣頌奈爾陰山勅勒歌

虞勝伯徵君隱居行義居甫里垂二十年不以姓名求知於時之聞人道園先生其從叔祖也先世雍公遺文道園先生欲求而不可得勝伯父欲以意購取之可謂有志而不忘其所自矣聞此書藏松江俞子中推官宅推官沒已久而子俊州尹其

弟能假以歸勝伯非仁人義士之存心乎州尹吾  
故人也因書以為之請陶逢大尹見之當有以教  
我也倪瓚

贈虞勝伯序

宋丞相雍國虞忠肅公其八世孫戡勝伯請於遂昌  
鄭元祐曰先丞相有大功大德於高孝兩朝其行事  
章々槩已著乎信史始終本末要與唐裴晉公齊名  
若夫言語文字特先丞相立德立功之緒餘然有德  
者必有言丞相六歲誦九經七歲能屬文已而登進  
士第累遷官南宮便已悉完顏亮之奸詐和議必不

可久及亮渝盟傾國南下元臣夙將多殞於權奸丞  
相方叅謀江淮軍事乃能以激烈忠義將帥遂成采  
石之功當時劉四廂至謂朝廷養兵三十年而今日  
大功成於一儒者我輩愧死矣已而出將入相以身  
繫天下安危夫如是又何必言語文字然後增重於  
丞相哉然有德者必有言則先丞相遺文集錄舊若  
千卷先叔祖侍講來東南念文集不傳所至購募皆  
不可得哉也近見魯人賈景莊言其家舊藏丞相文  
集今轉致於松江俞氏家哉雖貧將哀鳴伸訴懇款  
以言之悉力以求之庶幾歸之哉俟時平定復刊諸

梓是丞相立德立功立言併為不朽元祐案國史雍  
公嘗注唐書五代史藏於家又有詩文十卷經筵春  
秋講義三卷奏議二十三卷內外志十五卷行於世  
富哉言乎三代輔相功德與文章萬世者並傳惟萬  
文公兩漢以來知名宰輔以德以功煥映竹帛者亦  
多以言語文字為緒餘至唐宋乃始兼有之然傳之  
者蓋亦甚寡向年侍講公以文章知名海內求雍公  
文集而不可得今勝伯乃能求之於艱危困苦之中  
斯其志過前人遠矣昔孔氏壁藏其家書一時雖暫  
晦更久復顯列於學官然則雍公之所著錄得賢子

孫不至湮沒要皆本於立德立功云至正十八年春  
元祐造 江陰張體書

虞君勝伯求先世遺書將鈔諸梓作詩以美之  
前朝雍國虞丞相學有師承道有源采石勲名昭日  
月淳風德業振乾坤陰功久著更生佛家學今傳八  
世孫力購遺書喜重得還令海宇誦名言 吳郡

沈右

丞相遺書何處收百年世事迥添愁曩聞西蜀曾傳  
刻今喜東吳得購求文獻一朝徵舊典精誠千古煥  
嘉猷成都豈有桑田在最愛仍孫學業優 吳郡

呂楨

雍公文字秘深幽夜：神光徹斗牛盛代固知傳不  
朽賢孫今喜往相求江風百里松陵雪事業千年采  
石舟驛路蕭條送君去中興漫說使人愁 勾吳

周砥

雍國勛名照古今遺文誰為重追尋鬼神呵護風雲  
繞金石摩挲歲月深坐待明珠還合浦行看寶鼎出  
汾陰公家今有賢孫子江漢滄浪萬里心 紉奕  
雍公文集世珍藏夜：雲間光燄長縱使千金收蜀  
本也應全璧出俞莊雲孫異代心何切閭老重泉志

亦償此日誰為宗社計如公安得寘巖廊  
豐城

余詮

雍國多孫子如君已獨賢  
傾囊省舊物求友訪遺編  
聽鶴雲間路烹魚柳口船  
遙知滄海月中夜為君圓

魏文藝

秉中

雍國中興相清名尚凜如遠孫  
居異代先世有遺書  
似是鬼神護猶存兵燹餘  
斯文真不朽字：比璫璵  
會稽韓友直

水拍吳江映綠蘋  
吳帆掛席起江津  
一船書劍成都  
客滿路湖山上海春  
貯酒卮筒來地遠  
行庖海錯帶

潮新雍公餘澤千年在更有文章溉後人

陶澤

師渡長淮宋事危虎臣零落用儒衣初疑諸亮才非  
武終藉劉琨笑解圍百世文章尊謹論一時陳迹羨  
知幾故家代有賢孫子喬木分陰向夕暉

高平

范成

忠肅文章粲若星百年淪沒屢經營青城閣老空遺  
恨笠澤雲孫夙有情放棹長凌三泖曉掀篷卧看九  
峰晴勝游更可成初志尚覲重刊啓後生

張緯

南渡諸公已白頭深慙采石破狂酋功勳不獨齊康  
樂忠義真無愧武侯相業至今光竹帛文章何日復



弓裘道園未就平生志應待虞卿為訪求  
王廓  
遺藁搖光貫斗牛鬼神呵護幾春秋豈城寶劍終須  
合不是明珠暗裏投

乙巳歲春正月五日海陵徐克敬書於雲間寓舍

贈勝伯賢良表姪

雍國文章世不磨昭如星日映山河刻傳琬琰豈無  
待價重璫璣不啻過謾讀父書嗟我老竟成先志子  
多春風吹綠松江水亦欲東游理釣蓑  
臨邛

魏奎

丞相當朝日精誠貫九天文章前代事勲業中興年

赤壁雄今古淮淝屬後先雲間遺藁在遲子棹吳船  
鴻山樵呂敏

南渡昔聞虞相國白髮當朝憤不攄丹陛九重無上  
策青雲千載有遺書諸孫禮樂流傳舊異代衣冠喪  
亂餘莫問銅駝卧荆棘五湖烟水正愁予 河東

王嘏

宋室忠興業雄才救雍公一軍能却虜諸孫恥論功  
科斗遺文在麒麟畫像空賢孫勞購覓鏤刻示無窮  
薊丘聶鏞

編簡飄零二百年購求今見子孫賢固無相業當時

重要使文名後世傳龍氣拂雲歐冶劍虹光貫月米  
家船鬼神呵護元無恙只在吳淞若箇邊 申屠

衡

扁舟衡雪訪遺書雍國文章天下無風動翠簾寒剪  
燭月明滄海夜還珠百年製作詞華盛一戰勲名孝  
行俱送子令人欽世澤蒼々高木錦江隅 句吳

王謙

勝伯契家過上海求先丞相文集賦此

山河一紀戰塵昏文獻承家幾處存傳語海隅蘓縣  
令好求遺墨付諸孫 蜀人王立中

奉寄勝伯先生

病裏傷春念昔游  
杏花天氣玉人樓  
此時惟有雙燕倦  
對東風說舊愁

夔守病三年想故人  
不得一見因便風  
以寄卻菴公詩求一冊以娛病中之懷  
黃夔主臣

詩奉青城先生

虞卿落、不羈客  
端如野鶴混雞羣  
興來甫里一杯酒  
與掃匡廬九疊雲  
遺史尚求丞相事  
從孫能輯翰林文  
杜陵秀句多家法  
春樹初生每憶君

此章舊懷繆作因形穢故不及寄  
辛丑十二月十

二日淮南公穎兄自甫里過笠澤溪上袖出青城  
詩承問道訊共與論詩夜分予忽憶舊篇誦之遂  
欣然寫上唯高情亮察臘月望日黃章再拜

子貞還示佳章見寄因次韻以復克用高尚先  
生

單子來歸自笠澤為說虞君猶遁栖青城從子識丹  
鳳西郊草堂懷碧雞後會驚看絲髻改新詩煩向錦  
箋題絕憐三泖冬無雪肯學山陰夜泛溪 和經

上

和虞克用見寄

試拂龍泉劍虛涵三尺冰直心憂社稷孤憤泣江陵  
牧野村：雨漁船夜：燈感君多道氣懇款實難馮

與金伯祥虞克用清夜聯語

浩蕩即扁舟紆徐適廣路玄雲蔽重陰澄湖潏洄泛  
客雁度寒洲漁曾掛荒墅故人欣會面握手出深悰  
古篋啟奇文微吟發清趣念茲慎勿忘勗哉紀良晤

克用先世乃冠纓相承文章事業銘彙  
禹被絃歌克用襲藏皆鯨珠也故云

陸廣

涼夜讀史擬古錄呈勝伯先生知己裁正

王靈靡東周諸侯務兵爭六國尚氣俠劫制非本情  
翩：魏公子南園北遽輕折節信得士所怙匪尊榮

雖云正道媿砥礪多義名叔世駭莫見渴心劇懸旌  
丈夫一委質便甘同死生豈如江上漚泛然逐春聲  
廢書有餘歎露下候蟲鳴  
友生董在拜手

青城虞勝伯顏丘氏小軒曰看帆為賦律詩四  
首且曰鄉情客思共有感焉因書以寄予：不

敏勉次韻錄奉叔勝徵君彥章高尚同一笑也  
看帆軒下迴添愁滿眼青山憶舊游襄水信來家杳  
杳蜀江春去思悠：檣鳥暝過漁莊宿風鷁寒隨賈  
客留咫尺波濤相失往來誰不為身謀

目送飛帆若斷蓬閑情不與水俱東自居茅屋秋聲

裏如在瀟湘夜雨中檣影遠離滄海月權歌歸趁落  
潮風由來世道隨流轉不用空嗟阮籍窮

長江波浪雪差嵬險過瞿塘激灩堆龍護寶珠藏窟  
宅蜃嘘妖氣作樓臺依：鳥向滄波沒一：船從返  
照來徐市漫游東入海如何不見一人回

風帆已逐歸雲盡江水何如客意長在苒歲華駒過  
隙飄揚生理雁隨陽從知白髮非春事醉看青山即  
故鄉獨笑夢中忘未得落花風起動回檣  
再拜  
謝林

次韻叔勝先生七言一首錄呈伏異賜教倪瓚



再拜

朱絃流水寫徽音古意寥；何處尋道力已消金鑛  
淨禪那曾住嶺雲深豈譽不礙逍遙樂愆室應無忿  
慾心說與先生 悵恨牛山何日見成林

瓚此三兩月方為義士之賢子與二三名勝作為  
文辭以頌述其德美且預為挽詩弔文之類家傳  
而戶習或有每夜醉詠一過大笑而登床者獨先  
生不隨流俗哀、耳如何如何故賦此以發一笑  
云乞於韻會中檢尋坵字一觀明日即納還也勿  
勿不具瓚啓上

重改次韵奉答一首錄呈叔勝先生一笑倪瓚  
再拜

朱絃流水寫徽音古意蕭條尚可尋  
道業已消金鑪淨  
禪那曾住嶺雲深  
猿猱騰攫初何怪  
風雨飄搖不動心  
笑爾自成成濯二牛山何日見喬林

此間俊秀子弟習尚不佳為二三不孝義無廉恥  
之徒誘引而喪其良心以不孝悌為當為以講論  
是非毀謗輕薄為政事蘭蕙而尚化為茅况中人  
之才者乎先生以為何如良心淪亡糞壤何異是  
可哀已十三日瓚啟上

虞山人勝伯陳山人惟寅皆為鄉里解后共飲  
問及仙遊事欲所賦詩未果寫既去僕已醉矣  
酒醒遂和以答二賢初意此凡四也十八日又

錄

掃除狡獪蓄神機開頂葫蘆不置靡人物已從垣外  
見真形漸向市中微盃成白鴿冲霄去劍化雙龍破  
浪歸自此更無毫髮累綠毛繞體欲成衣

獨據胡牀醉不移坐深簷露滴髭眉蕭蕭：風水成音  
樂澹：星河起鷺鷥語罷欲乘黃鶴去興來忽使白  
雲馳火龍 傲烹茶 不折扶桑一氣炊

幕：松陰布網羅鶴巢松頂吸天河是何道士圍碁  
坐著箇樵夫對酒歌看月也知爲爾好凭風無奈欲  
歸何送君直過橋西去還記垂楊葉不多

送虞勝伯還堧上

張遠

相逢相別兩匆匆肯放花前酒暫空江渚落殘三月  
雨海潮吹上一帆風客中憶母情偏切貧裏題詩語  
轉工日暮思君頻悵望水天迢遞送歸鴻

克用道友作東吳十詠句法深有孟浩然意度  
超邁繩其武學者未見達人之言吾道友當悉  
此意否

發吳江

一望洞庭秋水相  
看南浦孤蓬江干有興騷客閒居  
久約漁翁

泛石游

遙接太湖惘然尚留赤壁圖景  
越來溪水東西香雪  
寒梅飄影

游靈岩寺

此山勝境玄賞舊游今日皆非  
蓋輿林間烟暝欄柯  
谷口忘歸

登姑胥山

吳王館娃西子兩情斷送長流麋鹿淚沾荒艸故人  
汗漫重游

泊橫塘

山寺微茫深渡寒烟蒼莽橫塘杖梢自挑邨酒船頭  
猶帶漁柳

過盤門

將軍南鎮勾吳魚龍跳下江潮無限吁嗟陳迹怕聞  
淒涼洞簫

懷甫里

筇行依：故里石刊翰墨模糊龐公力田二頃拾遺

扁舟五湖

過獨墅

短棹微風窈窕片帆落日橫斜舍傍雖開酒肆牛疲  
知是田家

過車坊漾

蕩舟滄波萬頃搖櫓白鷗渚傍不知新月東起回頭  
過盡車方

歸闔閭浦

極目烟江盡頭屈指搖城渡口世人不理曲肱自餉  
黃雞白酒 農圃堂陸願納

贈內侄曇霄詩

我聞唐宋及後代虞門簪紱紛如雪外舅蒼梧府君  
者上繼祕監傳斯文一女適我有賢德兄弟玉立皆  
蘭芬自從外舅沒官所歸隔山川魚雁阻兵塵浩  
各天涯夢寐中間時或覩老壯生死那得知子孫有  
無安可期誰料內兄仲氏子一朝謁我來京師入門  
面目恍莫識頭已祝髮衣純緇細言六歲武昌別  
來廿九年華移闔家骨肉既凋喪丹陽荒土鬱相向  
每嗟流落真可憐石瀨何時得歸葬艱危幾脫虎狼



口幸得為僧在林藪止存一尺作秦贅叔氏之子臨  
安有二人形影相憐：出家迹踪如雲萍遠聞姑丈  
歷清要豈知姑已歸幽冥須臾言罷淚雙墮 痛  
風生四坐使我聞之倍感歸感傷之後喜無奈桑田  
滄海自古然世家子孫能幾賢當時不填溝壑裏必  
有丐者閭閻邊或為奴隸甘箠辱及遭俘虜罹刑戮  
孰若爾心不為非落在空門遠塵俗乃知祖宗積德  
深善慶源：報何速愛爾好文能作詩驪珠紫貝光  
陸離虞門文業久陵替爾不承嗣當歸誰答云十八  
從佛教今年卅餘亦修蹈如葷飲酒皆不為慈航彼

岸終須到臨安一兄猶少年有妻有子宗祀傳願廬  
丹陽墳冢前以永孝思終殘年斯言慰我如醇酌夜  
談剪燭過子丑明日辭我飛錫去愧乏橐金表親厚  
老懷悵望秋雨晴為爾折斷石城柳

七十翁唐同書於翰林

贈霄上人序

吳興道場寺主藏霄上人來京師謁翰林學士承旨  
唐公於寓宅詢其所自則公之夫人虞氏仲兄奎之  
子外舅梧州府君之孫也於是不見者凡二十有九  
年而夫人之喪亦二年矣上人詣几筵哭奠弔慰如

禮與公道契濶叙艱危悲慟慨歎有不能喻之於言者蓋追憶初別時上人甫六歲公年當強仕才名方盛不數載而四方鼎沸風塵滿目音問睽隔不知存亡何似及皇上龍飛江左平羣雄而一海宇制禮作樂登崇俊良公以文學被顧問任天官而持銓衡長詞坦而知制語康寧壽考咏歌太平虞夫人猶及目覩公之榮遇足以慰疇昔艱危之懷而上人游乎方外得以保全性命復相見於今日豈非可喜而又可感者耶上人留京踰月乃請於公曰我虞氏世家會稽自唐永興文懿公陪葬昭陵遂為雍人傳十一世

有守仁壽郡者因家焉遂為蜀人又八世為宋丞相  
雍國忠肅公之季子大理寺丞卒葬餘杭之石瀨  
鎮至我曾祖為玉融令宋亡不降遂死之時祖考梧  
州府君方七歲隸育於官及曾叔祖仕元為秘書少  
監無子因請於朝以府君為嗣後廕官初授光化主  
簿歷管城丹陽德安尹調湖廣等處權茶提舉陞朝  
列大夫同知梧州路總管府事卒于官謀歸結茅庵  
於果乃殯於丹陽縣南之清水潭墓今久闕展省是  
行也願歸結茅庵于墓側朝夕居其間以盡孝思公  
不忘親戚之好尚有以教之公乃以其事語趙堦曰

我外舅與故奎章學士仰菴先生雍郡文靖公宗系  
同出於雍國忠肅公子嘗游文靖公之門有師友之  
契霄上人之行不可無文字以贊美其孝慕之誠也  
噫堯於先生為門人於公為屬官又何敢以固陋辭  
竊嘗觀於前代世家其以立德立功立言著於當世  
千載不朽者代有其人然由唐宋及元家譜相承以  
勲業文章照映史冊七百餘年遠而足徵未有若虞  
氏三公同出於一門者也今逢創業維新之治其子  
孫雖未有顯者然國家政教方隆安知無力學自脩  
以待用者而上人托跡空門懷其世澤切：以祖宗

墳墓為念是其孝思無數過於庸俗人遠矣吾輩稱揚而樂道又豈不足以為士大夫之勸乎謹以此言復於公退而次第書之以為贈大理公諱杭孫宋阜陵所賜名也秘監公諱應隆在元嘗修大一統志今其板本猶存梧州府君諱弦字舜臣上人舊名容德以丁酉年入烏程何山禪寺禮南州藻公為師法名曇霄字具瞻雖學佛而通儒書大義蓋其家學云洪武七年歲在甲寅秋七月甲午朔翰林國史院編修官清江趙堦序

上人曇霄者宋丞相虞忠肅公彬甫之遺裔也其姑

歸今閣老唐先生同文而上人因與先生有連一旦  
來謁將還廬墓於丹陽先生請趙翰林伯友為序且  
令余題其左方西方聖人之教一則曰孝二則曰孝  
故升切利天為母說法而所演大報恩經亦孳：弗  
倦桑門每取之以為準的或者謂其絕棄親屬不亦  
過乎有若上人通儒者而又善詩念家世之非昔祖  
宗墳塚遠在一方悽然有白楊悲風之感縛茅而廬  
諸墓豈非有合西方之教哉雖然此固且為孝也西  
方以法胤嗣續為至要與吾儒甚不異上人能廬墓  
矣獨不念虞氏之乏嗣乎若能幡然改轍歸繼宗祧

之重其孝不尤大哉在家出家同一法門居塵而不  
染塵浮屠氏之戒也初何傷乎此惟達人大觀無所  
係吝上人尚勉之焉若夫家世之盛趙翰林序之詳  
矣余尚何言史官宋濂

艇齋

德機僦屋鹽橋以教授為業屋之西隅有軒翼然即  
所謂艇齋也歐陽公有齋名畫舫其記云舫者嬉游  
之舟不知德機之舟將以涉大川乎其亦乘以嬉游  
乎將出入二者之間所謂乘流則游過坎則止乎因



篆二字使張於屋壁稍暇當為記之七月二日胡悌  
書

題德機荆南精舍圖

誰畫荆南精舍圖烟霏嵐翠墨模糊林間野鹿時相  
逐洞山口猿不受呼尚有流泉悲夜雨已迷幽徑入  
寒蕪痴人莫彈西飛鶴雲外仙君恐姓蘇  
倪瓚

明朝

明朝又上闔閭城江上春風一舸輕過眼落花應有  
恨傍人飛絮自多情本因世亂依劉表誰謂才多累  
禰衡試問龐公歸隱計南陽何地可躬耕

贈章伯高

共是多情惜歲華故應美酒送生涯金盞細斫秋風  
鱸玉髓新烹穀雨茶每愛芙蓉依北渚還思胡蝶過  
東家江南三月鸚啼遍不信櫻桃未著花

平生豪氣慕西州莫怪眉攢萬國愁商皓不知秦正  
朔荆人曾紀魯春秋新豐酒美春三月劍閣詩多歲  
一周中夜聽雞真欲舞高桓事業在營丘

近作寫呈德機兄求教胡悌再拜

詩寄德機判簿

十載無家客東西幾播遷已拚書馬券留作買山錢

處：荆花好枝：棣萼連犇車日來往便比草堂前

六月廿七日書於吳中客船 經

隱居城市絕塵埃春菊秋蘭自手栽一卷楞伽讀未  
罷南山相對翠崔嵬

戶庭不出倦逢迎淨室焚香也自清來客莫煩談世  
事石床分坐話無生

翠石嶙峋分外幽叢蘭生近澗西頭畫圖來自重居  
寺相對令人憶聽秋 聽秋道者為文甫畫蘭石

清悶閣前春雨時一枝醉裏寫臨池因風遠寄栖禪

侶山寺迢：傍水涯 雲林寫竹寄白馬寺今歸文甫處

丁亥歲夏五勾吳張穀

游仙詞卷

向嘗次韻信都趙君季文父游仙詞亡友虎林  
張伯雨父君見而愛之亦嘗倚韻以屬和昆山  
清真觀道士余君復初伯雨愛友也屬所和詩  
以遺復初復初今年冬款予于吳郡之城南宅  
予寫昔所和答張君之什併藏之江空歲晚朋  
友間能詩如伯雨寥々絕響因寫舊作不能不  
興感云耳今年至正二十年庚子歲之冬也遂

昌鄭元祐明德父

金碧樓臺瀛海東  
娉婷仙子下瑤宮  
聖凡千古無窮事  
都在鸞笙一曲中  
藹：身中三素雲  
朝暉出海共氤氳  
桃霞沐雨輕勻  
面柳浪含漪細織  
裙鳳麟洲上水烟分  
女伴同祠李少君  
點定易遷宮裏  
籍步虛携手踏紅雲  
煌：珠樹四時春  
樹影玲瓏月滿身  
理罷玉笙朝斗  
去就中誰是避秦人

雲旗阿母降珠庭  
母為雙成欲授經  
塵世登真無要

訣藥囊辛苦貯參苓

才炊松屑飯胡麻又見蟠桃一度花不為靈姝工服  
食金盤那得束如瓜

窈窕溪真十二仙靈犀分水夜長然珠宮每按皇人  
筆點較青瑤第幾篇

寶髻駢雲誰最高花間行數舊栽桃笙洲月出星官  
近騎著神魚舞翠濤

紫皇親駕按寰瀛又見鯨波徹底清仙籍不能無謫  
降塵緣敢恨有虧成

欲采靈芝敢後期魚游千里費尋師不因悟得長生

著一局終終未了棋

明德游仙詞十首用天柱山傳來依韵繼作雲

林道氣者觀之亦足自投於埃壒矣 雨上

白玉之槃滄海東蒼：下視遠如空請看端正山河  
影不滿均堂杯水

鴻寶枕函雲積疊芝臺爐火暖氛氲子能試喫青精  
飯我亦聊書白練裙

夜久扶桑海色分珠宮望拜赤龍君洞庭未省君山  
在元是昆侖一朶雲

藤蘿石上尋長迹金粟圖中見小身抖擻幾重衣袂

看情知不染散花人

厭見霓裳舞廣庭  
罷看三十九章經  
道人腰著金鴉  
背自向松根洗茯苓

左股清池足漚麻  
池中肥水是松花  
早知魏帝一九  
藥甯信東門五色瓜

恥作深山服食仙  
伐毛洗髓固依然  
木蘭墜露研朱  
寫只寫南華秋水篇

脚底琴生三尺鯉  
袖中阿母一雙桃  
別時勞動凌波  
襪爛月如銀曬夜濤

眼中自小薄蓬瀛  
日月雙飛下始青  
見得明窗塵彷彿



佛定知草創大丹成

玉格金科自有期赤城何待遠尋師壁梭也解為龍  
去樵斧如何只看棋

丙戌四月廿日靈石山登善精舍寫

銀流萬里海雲東只帆靈槎上碧空仙女踏歌星影  
裏老龍吹笛浪花中

金粟天高碧殿雲鏡中空影夜氤氳白鸞樹下三千  
女一色龍銷玉雪裙

令威化雀已千春華表歸來是後身城郭悲歌荒塚  
在到頭應愧學仙人

白鶴下啄瑤草庭道士夜讀神農經問之長生有寶  
訣授以松根千歲苓

溪水流香飯熟麻洞中千樹玉桃花金盤日：飛仙  
供勅賜安期海上瓜

鬱蕭臺上會羣仙龍燭飛光曉夜然玉殿歸來環珮  
冷白雲猶護白苔篇

麟洲宮殿五雲高夜赴瑤池宴碧桃借得仙人紅尾  
鳳月中飛影拂波濤

鈞天按樂蓬瀛手把芙蓉朝太陰一曲霓裳羽衣  
舞仙家只數董雙成

長生誰解問，佞期黃石空。為孺子師，何似山中間。日月松陰自了著，殘碁。

游仙詩遂昌其最優乎。貞居仙去不可復得，清真余君復初請予和之，以繼二妙之後。其知言乎。昔楊雄作太玄曰：後世有楊子雲必好之，蓋謂作者非難知者為難也。復初舊有能詩聲，予故喜之，遂為賦此，但不可與不知者言耳。太原郭翼識。

予幼侍貞居張君

清節吟詩寫字皆漸摩

中來貞居已矣，予方泊化宮，超然有退隱志。且辟穀有驗，偶過玉真<sup>翠</sup>清真觀，道士余君出示貞

居所繼明德鄭先生游仙詞十首明德復書舊  
和季文趙君倡句於卷上誦之令人毛骨脩爽  
予雖不敏思貞居昔日之好而明德又吾老文  
伯也敢不援筆續 超然之士能無賞音時至  
正辛丑夏六月初吉益易道人陸大本頓首德  
中

昆侖之墟渤海東下見一壑涵虛空夜深印出千江  
月何處靈光恰正中  
秋水為神氣吐雲蘭田種出玉氤氳湘妃為我紉蘭  
佩雅稱青霞襞積裾

每憶貞居語夜分深期仙跡寄茅君詩篇今落江湖  
手空向晴窗檢白雲

玄圃滄洲日：春含胎鍊骨漸輕身良宵曾宴飛璚  
室回首清標惱殺人

元命真人謁紫庭三晨授我蕊珠經不知世上長生  
藥歲：松根珀化苓

搔痒仙姑本姓麻羅家夢綠女中花楊娥室到楊王  
宅不似孫鍾 辰

十洲麟鳳引瓊仙喙角連金曉夜然月底 調玉  
柱斲絃時續紫烟篇

雲窗霧閣遇情高  
三度能偷幾個桃  
欲把珊瑚都釣起  
六鰲海上駕雲濤

方壺萬里瀛神仙  
骨格自然清翻然  
直到三清境辟穀  
元來是小成

長生小訣問安期  
大道須尋向上師  
一粒黍珠靈寶氣  
橘中只著二翁棋

霞光閃：五雲東樓館  
魏：照碧空忽報夜池  
催賜宴翠鸞飛景月  
明中

縹緲仙山五色雲  
玉真飛珮度氤氳  
不應名字題仙籍  
猶著唐家舊賜裾

一會仙凡兩地分雙；絳脫賜羊君如何窈窕巫山  
女只作襄王夢裏雲

洞草岩花處；春壺中日月鏡中身  
飈輪飛度麟洲水知是仙班第一人

松飄金粉落空庭石上清齋玩易經  
應笑世人工服食滿頭垂白采參苓

塵寰擾；事如麻恨我東風易落花  
阿母蟠桃才一熟人間幾度摘秋瓜

瑤樓十二亞相連樓上仙姝笑粲然  
青鳥忽煩將遠意紫霞新寫寄來篇

青童小隊鼓琅璈  
仙子酣歌詠碧桃  
下視人寰才洵  
洵紅塵如海漲波濤

青鳥啣書降玉京  
芙蓉金掌露華清  
深宮無限情緣  
在不是神仙不易成

漢武求仙或可期  
仙人誰可帝王師  
山河百二功成  
在不似松林一局碁

至正庚子十二月望磧里釋淨圭書

鸞書趣燕五城東  
下視星辰在半空  
行過瑤臺重迴  
首玉清更在有無中

虎豹耽：守帝閣銀灣  
水氣曉氤氳  
石榴花下霓裳



隊競染香雲製舞裙

城闕芙蓉曉未分身騎金虎謁元君青童不道天容  
近笑指空中五色雲

三十六宮丸內春

却憶夢中身帶將一箇城南

樹去謁仙班十八人

家一作班

飄：天策下珠庭又從麻姑降蔡經麟脯鳳脂皆可

嚼長鍊何必斷松苓

鍊一作生

溪頭流水飯胡麻曾折瑤林第一花欲識道人藏密  
處一壺天地小於依

不到麟洲五百年歸來風日尚依然穉龍化作雪衣

女來問東華古玉篇

春宴瑤池日景高  
烏紗巾上插仙桃  
長桑樹爛金雞死  
一笑黃塵變海濤

高駕飈車過大瀛  
神官報道褚三清  
新裁鸞管銀簧  
一曲玄雲鼓未成

天府官曹夙有期  
金盤玉粟賜漁師  
一彈指頃天  
近始悟三生石上碁

此予方外生余善追和張外史小游仙詩一十解  
持藁來予小能加點讀至長桑樹爛金雞死座客有  
遠床三叫以為老鍊喉中語也又如一壺天地小

如衣雖老鐵無以著筆矣故樂為之書至正癸卯  
春王正月上日鍊龍道人在玉山高處試奎章賜  
墨書

曾訪雲英弱水東玄霜石臼滿如空只今身外都無  
物顛倒乾坤子夜中

一碧桃花似白雲望中仙氣日氤氳雙成未脫烟霞  
習却染石榴為絳裙

湖繞黃陵夜色分娟娟孤月照湘君夢中只說經行  
地過陽臺不見雲

九還丹就氣長春身外方知別有身裁涉凡塵便多

欲文君莫怨白頭人

風落長松子滿庭  
胎仙飛下護丹經  
世人來問三天事  
自傍雲根斲茯苓

瑤簡瑤文似白麻  
紫頭手集雨來花  
中間盛說仙官去  
不似人間代及瓜

瑤池阿母宴瑤仙  
玉齒微三笑  
輾然應笑有人思  
獻納退朝空檢白雲篇

碧落風清雀背高  
鬢花飛墮武陵桃  
湘江亭上山如鳳  
想見仙王聽夜濤

麻姑飛佩入方瀛  
三見蓬萊淺更清  
漢武不曾離五

柞翼生毛羽幾時成

樓船何負始皇期黃石曾為漢相師世有羸劉莫相  
托商岩山下好圍棋

西皇春宴百娉婷玉碧桃花滿洞扁自飲一杯瑤屑  
露東風吹夢不曾醒

銀河淡、月輝、洞艸岩花夕露微笑蹋青鸞作龍  
馬九天涼動五銖衣

雲床烟節紫霞裾齊馭冷風集步虛若受人間塵一  
點長門又屬漢相如

雙成今是五雲仙得奏長書玉帝前天上星河春似

似海人間風雨夜如年

至正壬寅春三月五日過崑山雨留清真觀主者  
余復初出示句曲張外史遂昌鄭先生及郭羲仲  
陸德中所和游仙詞誦再過神氣超然殆與諸游  
仙筍鸞鳳相下上碧寥間也因記憶早歲侍先君  
庫使在信州時嘗和郡經歷張率性游仙詞四首  
今廿年矣人事變遷城池墟莽雖欲如曩昔賡歌  
之樂不可得矧敢覲游仙樂之萬一者然句曲仙  
去矣而其詞存則出塵之句有足發予之清興是  
亦一樂也復初因徵次韵就書舊作於后冀來者

同賞鑿玄席帽山人王逢

游仙賦

夜景兮幽寥，蓮漏兮迢迢。仰桂魄之婵娟兮，覽榆星之光昭。髣髴以風生兮，露花灑其禱。袖縱神夾之飛馳兮，九天之游遨。予於是挈仙柰，携松醪，挾渥淙之佳友兮，拉喬晉之知交。鳴赤玉之翠管兮，吹鸞翼之叢簫。駕八鸞之銜，兮驂九鳳之飄。凌太窾之虛柔兮，陞天門之超遙。若乃予游目以眇昧兮，駭玉京之龍蟠。障龍威鳳儼前後兮，靈卉異石縈列乎其間。予乃且游且詠，再盤再桓。會牛女於銀潢兮，招

仙娥於廣寒升霞步於八景兮覲天皇之瑤顏凌紫  
氛之浩：越金景之爛：於戲噫嘻此玉京之所以  
為神仙之居而形槩之勝又不可得而遍觀也方其  
上瑤樓著雄文傾沈瀛開霞尊彼倥傯喬晉一笑而  
曰語曰誦三教以一貫之者君也獨不聞乎天何言  
哉四時行焉之載於石經者乎又豈不聞高明配天  
悠久無疆之載於中庸者乎且天體之不言而治猶  
仙道之無為而成而天之所以默運猶人心之所以  
經綸也今子違人寰憇高天驅豐隆御飛廉戴招搖  
之雲旗環華采之翠幘執栖霍之霜翎挽毒龍之蒼



髯縱逸興之遶飛兮極良夜之游瞻是則吾友之致  
幸而有天道之不參耶予於是聞斯言也頓然悟廓  
然啓慨然而為之歌曰緊渾天夫悠々兮渺萬頃之  
一碧括羣下而無言兮固真機之嘿々凡纖滓不可  
得而留兮實上德之不得又歌曰嗟大道之無私兮  
得其真而故長人能同此真道兮寄悠々於無疆歌  
罷星翻漢迴殘月在樹鞭雲鳳以來歸而作游仙之  
賦歲甲辰十月既望雪川錢孤雲製

鐵網珊瑚書品卷七









浙江圖書館藏  
1952.10.20  
11.1.15



陸伍玖壹年 肆月 念 柒日



浙江圖書館善本



甲 登記號：030443

一九 年 月 日









**TIFFEN** Color Control Patches © The Tiffen Company, 2007

|      |      |       |        |     |         |       |         |       |
|------|------|-------|--------|-----|---------|-------|---------|-------|
| Blue | Cyan | Green | Yellow | Red | Magenta | White | 3/Color | Black |
|------|------|-------|--------|-----|---------|-------|---------|-------|